

Yasmín Esquivel Mossa

La snop jun ta banti secretaria yu'un te Educación Pública ta México, lok' yu'un kaj snopel jun ta Facultad yu'un te Derecho le'ta FES Aragón ta Universidad Nacional Autónoma yu'un te México. Ay me lok'em yu'un te Maestría sok te Doctorado ta Derecho, sok xan smuk'ubtesoj te snopji'bal yu'un te koltayeje jich yu'un bayal te banti k'axem ta snopel te jun yu'un te especialidades ta bayel kumukumul te materias jurídicas sok yich'objel sunal yu'un te Posdoctorado Iberoamericano ta Nuevos retos yu'un te Gobernanza Pública.

k'ax xchawinik ya'wilal te a'tejem yu'un le'ta servicio público, ja' sjo'ebal scha'winikul ya'wilal te yakal ta xchajpanel te k'opetik jich bit'il juzgadora le'ta Tribunales Agrarios, le yiloj ta lekaa te bin ut'il te sk'oplal te k'inaletik sok kuxlejaliletik le'ta junjun pamlum ta spamal México sok nix ja' ya'ayoj te bintik te ya sk'an yo'tanik ya yi'ch' chajpanel yu'unik te bats'il antswiniketik nakalik ta jujun pamlum. Ayix ak'ax ch'a sujt'el ya'tel ta Magistrada ta Tribunal yu'un Justicia Administrativa le'ta Ciudad ta México, ja' a'k'ot ji'lel sjotak, yu'un te ja' ya xil ta Presidencia yu'un te órgano, la spas lek te ya'tel yu'un te slek'ubtesel te áreas yu'un te transparencia, ja' nix jich la schajpan lek te a'tel yu'un slekubtesel te a'telileletik sok la yak' ta ilel te bit'il a tu'un yu'unik te tak'inej; ja' nix jich sok la yich' ta muk' te tu'ntesel te Tenologías yu'un te información; ja' nix la yak'bey yi'pal te yu'un yakuk stsak yip te a'telil le'ta función jurisdiccional sok te defensoría jurídica, te pajaluk yu'unik te ich'el ta muk' te ants winiketik, sok nix bayal te bintik la spastilan te a'telileletik swenta yu'un xlekubtesel xan baela te kuxinele.

Ta febrero ta 2019 ja' tonax sbabiala te la staik ta nopel te jauk ansts te ya xjil ta ajwalil yu'un swenta chajpanwanej, ja' la yal smantal te muk'ul ajwalil yu'un te spamal Mexico, Andres Manuel López Obrador sok jich la yaluk te Senado yu'un te Republica, pajal la staik ta nopel te ja' ya xil ta slajchayebal yu'un Ministra le'ta suprema Corte yu'un te justicia ta Nación. Ta ya'wilal 2021, la yak'beyik ya'tel yu'un Presidenta le'ta Segunda Sala yu'un te Suprema Corte k'alal ta ya'bilal 2021 ta 2022, ja' yoraila te k'alal stsakojaa te ya'tel yu'un te Comité Interinstitucional ta Igualdad yu'un te Genero ja' ta "Poder Judicial ta Federación, ja'toa laj a'tel ta junio ta 2023, las spas jilel lek te ya'tele yu'un te yakuk x'ich'ot ta koltayel te antsetike sok te yakuk x'ich'ot ta muk' te ch'in ach'ixetik sok te ch'iel ach'ixetik, ja' te pajaluk ich'bil ta muk' ants ta winik.

Te Ministra Esquivel Mossa, la spas lek te ya'tel yu'un te ich'el ta muk'e sok pajaluk te koltayeje ta stojol ants ta winik ja' swenta yu'un te Derechos Humanos, te yakuk staik ta ilel te mach'atik ay bayal swokolik jich bit'il: antsetik, ch'in kekeremetik, ch'in ach'ixetik, ch'ietik, te mach'atik ay bayel swokolik ta sbak'etalik ja' nix jich te bats'il antswiniketik, te ch'in me'el mamaletike. Te ya'tele le ya yich' ilel ta jpak ts'ibuybil jun

te ja' la spas coordinar ta spasel ja' sbi'il "sch'iel alaetik, kuxlejalil ta bajlumilal", ja' le ya yich' ilela te bin ut'il te bintik maba lekuk te skuxlejalik te alaetike, te lajik uts'inel te ch'in alaetik, chi'eleetik; ja' yak'objey yi'pal snael stojol ta ya'tel. jich nix ay to yak'oj xan ta nael stojol le'ta sts'ibuyoj jun yu'un ta ilel te swokolil te ch'in ach'ixetik, ch'in keremetik sok te ch'ieleetik te me'baemikix ja' skaj yu'un te lajik ta milel te smeik sk'aj yu'un te feminicidio, ja' jich sts'ibuyoj ta jun te ja' sbi'il "lajemix te jme'e ʘmach'awan ya skoltayon?

Tsakbil ya'tel yu'un ta Ministra ta Suprema Corte yu'un Justicia ta Nación le ta Proceso Electoral Extraordinario yu'un Poder Judicial ta Federación ta 2024 k'alal ta 2025.